

Siunnersuut uunga: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffinni biilnut oqinnerusunut, biilinilla taakkunannga aquttunut niaqqumut illersuuteqarnissamut piunasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisumit saqqummiunneqartoq

kiisalu

Uunga siunnersuut: Kalaallit Nunaannut angallannermut inatsisip allanngortinneqarnissaanut inatsit (Kalaallit Nunaanni misissuisarnermik aaqqissuussinermik pilersitsineq) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisumit saqqummiunneqartoq

pillugit

Sanaartornermut Ataatsimiititaliap

siunnersuutit aappassaaneerneqarnerannut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Gerth Mikaelson, Naleraq, siulittaasup tullia
Inatsisartunut ilaasortaq Hans-Erik Enoksen, Demokraatit
Inatsisartunut ilaasortaq Nivi H. Efraimsen, Inuit Ataqatigiit
Inatsisartunut ilaasortaq Bentiarq Ottosen, Atassut:

UPA2026-mi ulloq 5. maajimi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

UPA2026/48 najugaqarfinni mikinerusuni isorliunerusunilu ATV-nik aamma UTV-nik atuinermut malittarisassat eqaannerulernissaannut periarfissiivoq. Piffinni angallatit taakku angallannermut, assartuinermut najukkamilu suliassanut atorneqarfianni ingerlasinnaassusiat siunnersuutikkut pitsanngorsarneqassaaq. Tamatuma peqatigisaanik aquttut ilaasullu niaqorornaveeqquteqartarnissaannik piumasagaat atuutilersinneqassaaq.

Tamatumunnga ilaatigut tunngaviuvoq najugaqarfinni mikinerusuni arlalinni ingerlatsisinnaanermut allagartartaarnissamut periarfissat killeqarnerat. Tamanna innuttaasunut, kommuninut inuussutissarsiortunullu ajornartorsiortitsisarpoq.

Angallannermi isumannaatsuunissap qamutillu assakaasullit teknikikkut isumannaassusiannik nakkutilliinerup nukittorsarneqarnissaat siunertaralugu UPA2026/50-imi Kalaallit Nunaanni misissuisarnermik aqqissuussinermik pilersinneqarpoq. Siunnersuut aqquserngit sinaannut unitsitsilluni misissuinissamut aammalu kukkunernik amigaatinillu annertuunik nakkutilliinissamut periarfissiivoq.

Aqqissuussinermik pisariaqartitsinermut tunngaviuvoq Kalaallit Nunaanni qamutit assakaasullit amerliartuinnarnerat aammalu Kalaallit Nunaanni pissutsinut naleqquttumik nakkutilliisarnermi periutsimik kissaateqarneq.

Siunnersuutip Inatsisartunit siullermeerneqarnera

Siunnersuutit siullermeerneqarmata ataatsimut isigalugu tapersersorluarneqarput. Angallannermut inatsisip nutarterneqarnissaa aammalu malittarisassat Kalaallit Nunaanni, pingaartumillu nunaqarfinni isorliunerusunilu, pissutsinut naleqqussarneqarnissaat taperserluarneqarput.

ATV-t, UTV-t qamuteralaa sumiiffinni amerlasuuni najukkami assartuinermi pingaarutillit ilagigaat partiinit arlalinnit erseqqissaatigineqarpoq. Taamaattumik illoqarfiit anginerit avataanni pissutsit immikkut ittuunerat inatsimmi aamma ilanngunneqartariaqarpoq. Malittarisassat atuutsinneqalernissaanni aammalu najukkani pisariaqartitsinerit naliliiffigineqarneranni kommunit peqataatinneqartariaqarnerat aamma pingaartinneqarpoq.

Tamatuma peqatigisaanik angallannermi isumannaatsuunissap pingaaruteqarnera oqaaseqartartunit erseqqissaatigineqarpoq. Taamaattumillu niaqorornaveeqquteqarnissamik piumasagaat aammalu qamutit assakaasullit teknikikkut isumannaassusiannik aqqissuussaanagerusumik nakkutilliinissaq taperserneqarput.

Tamatuma kingorna siunnersuutit Sanaartornermut Ataatsimiititaliamit suliarineqartussanngorlugit innersuunneqarput.

Tusarniaanermi akissutit

Siunnersuutit tamarmik tamanut tusarniaassutigineqarsimapput. Tusarniaanermi akissutit ilusiliinissamut piumasaqaatit naapertorlugit siunnersuutinut ilanngunneqarsimapput.

UPA2026/48 ulloq 18. december 2025-mit ulloq 19. januar 2026-imut tusarniutigineqarpoq.

UPA2026/50 ulloq 14. november 2025-mit ulloq 12. december 2025-mut tusarniutigineqarpoq.

Malittarisassanik eqaannerusunik Kalaallilu Nunaata nunataani pissutsinik aammalu najugaqarfinni mikinerusuni attaveqaasersuutit killeqarnerannik eqqumaffiginnittunik pisariaqartitsineq tusarniaanermut akissutini ilaatigut tikkuarneqarpoq. Misissuisarnermik aaqqissuussinnermut atatillugu nunatta isorartuneranut naleqqussakkamik sulinermi allaffissornermilu pisariitsumik aaqqiissuteqartoqarnissaanik pisariaqartitsineq erseqqissaatigineqarpoq.

Oqaaseqaatit tiguneqartut Naalackersuisunit misissorneqarput pissutsillu attuumassuteqartut siunnersuutinut ilanngunneqarlutik.

Siunnersuutip aningaasaqarnikkut kingunerisassai

Ingerlatsisinnanermut allagartanut piumasaatip sakkukinnerulersinneqarnera pisortat toqqaannartumik aningaasartuuteqarnerungaarnissaannik nassataqassasoq ilimagineqanngilaq. Tamatuma peqatigisaanik siunnersuut najugaqarfinni mikinerusuni angalasinnaanermut nukittorsaaqataallunilu sulisussanik pissarsiniartarnermut ajornannginnerulersitsisinnaavoq. Misissuisarnermik aaqqissuussineq nakkutilliinnermut misissuinnermillu ingerlatsinnermut allaffissornikkut aningaasartuutinik nassataqassaaq. Aaqqissuussinertaq innuttaasut suliffeqarfiillu aningaasartuuteqarnerannik nassataqarsinnaavoq.

Ataatsimiititaliamilli oqaatigineqassaaq angallannermi isumannaallisaanerup nakkutilliinerullu pitsaanerulernerisigut siunissami ajutoortarnerit inuiaqatigiinnilu aningaasartuutit ikileriarsinnaasut.

Ataatsimiititaliap siunnersuummut oqaaseqaatai

Angallannermut inatsisip nunatsinni pissutsinut naleqqussarneqarnissaanik siunertarineqartoq ataatsimiititaliamit taparserneqarpoq. Sumiiffinni killilimmik attaveqaasersuutilinni ingerlatsisinnaanermullu allagartartaarnissamut periarfissakitsuni qamutunik assakaasulinnik oqinnerusunik atuinermut malittarisassat eqaannerulersinneqarnissaat naleqquttuusooq ataatsimiititaliaq isumaqarpoq.

Tamatuma peqatigisaanik allannguutit isumannaallisaanikkut piumasaqaatinik, tassungalu ilanngullugu niaqorornaveeqqutunik atuinissamik piumasaqaammik malitseqartinneqarnissaat pingaaruteqartoq ataatsimiititaliaq isumaqarpoq.

Misissuisarnermik aqqissuussinermit atatillugu qamutit assakaasullit teknikikkut isumannaassusiannik nakkutilliinerup nukittorsarneqarnissaa ataatsimiititaliamit pitsaasutut isigineqarpoq. Aqquserngit sinaannut unitsitsilluni misissuisarneq piffissani aalajangersimasuni misissuisarnermik ileqquusumit eqaannerusooq aammalu Kalaallit Nunaanni pissutsinut naleqqunnerusooq ataatsimiititaliaq naliliivoq.

Najukkani nunallu pissusiatigut pissutsit isiginiarlugu aqqissuussinerup atuutsinneqalernissaa aammalu suliap nanginneqarnerani kommunit peqataatinneqarnissaat ataatsimiititaliamit pingaartinneqarpoq.

Ataatsimiititaliap inassuteqaatai**Immikkoortoq 48:**

- Ataatsimiititaliap isumaqatigiittup siunnersuut akuersissutigineqassasoq inassutigaa

Immikkoortoq 50:

- Ataatsimiititaliap isumaqatigiittup siunnersuut akuersissutigineqassasoq inassutigaa

Ataatsimiititaliap taama oqaaseqaateqarluni isumaliutissiisummilu allassimasutut paasinnil-
luni siunnersuut aappassaaniigassanngortippaa.

Justus Hansen
Siulittaasoq

Gerth Mikaelen
Siulittaasup tullia

Hans-Erik Enoksen

Nivi Heilmann Efraimsen

Bentiarag Ottosen